

Chon nom ikei me pungun seni annuk ren ar repwe angang

Ren ew awukuk ren nafen insurens ren aninisin moni ren ekkena ese wor ar angang, annukun mun nap e apasa pwe emon me emon chon tungor aninis repwe pwarata nge resapw tipis in mwaken ika l emon chon ika aramasen non U.S. Emon aramas l esapw chon ika aramasen non U.S. epwe awora noun taropwen pwaratan ia a etto me ie pwan pwaratan pwe l mi mumuta an epwe angang non U.S.

Ewe ofesin pekin angang (Employment Security Department, ESD) epwe pwarata ifa usun an emon me emon etto ikei seni ewe ofesin pwaratan an emon etto ikei me pwan pwaratan ika ir naf ngeni aninis (Systematic Alien Verification for Entitlements,SAVE). Ewe pekin SAVE a nemenien ewe ofesin an U.S. we chon nom ikei me chon etto ikei (U.S. Citizenship and Immigration Services,USCIS).

Ika pwe ngang usapw emon chon U.S. met ngang mi tongeni aeoeo ren aninisin moni ren ese wor ai angang?

Ngou, ekkena ir resapw chon ika aramasen United States remi tongeni aeoeo ren aninisin moni ren ese wor ar angang. Kopwe awora noum kewe taropwen usun eom etto ikei ngeni ewe ofes ren ar repwe cheki usun porausen eom etto ikei. Ekkei taropwe repwe kan kawor non ewe fansoun ka kan aeoeo. Ika pwe kose tongeni awora ekkei taropwe nupwen ewe fansoun foforon ewe aeoeo iwe repwe aisenuk pwe kopwe awora ekkewe taropwe murin.

Met repwe aisiniei nupwen fansoun ewe aeoeo?

Ika pwe ka pwarata pwe en kosapw emon chon ika aramasen U.S, repwe aisenuk:

- En mi punguta seni annuk pwe kopwe angang non United States non ekkewe 24 meram me mwan? Me,
- Met sakkun taropwen sofon eom kopwe etto ikei mi wor reom?
 - I-327 Mumutan Teosefaninong
 - I-551 Katon Nonomuno Ikei
 - I-571 Taropwen Seiseni Neni mi Afeiengaw
 - I-766 Katon Mumutan Angang
 - I-94 Taropwen Atun eom tori ikei/eom niwin
 - I-94 Taropwen Atun eom tori ikei/eom niwin non Passport ese muchuno
 - Visa ren eom kopwe etto
 - Amwochen I-551 Stamp

Mi wor nei I-94 Taropwen Atun eom tori ikei/eom niwin non Passport ese muchuno(Arrival/Departure Record in Unexpired Foreign Passport) Meta ngang mi nomot ren ai upwe uwanong?

Ika pwe mi wor noum I-94 Taropwen Atun eom tori ikei/eom niwin non Passport ese muchuno mi nomot eom kopwe uwanong ekkei mi nom fan:

- Nampan noum we passport,
- Nampan noum we I-94, me
- Ewe ranin an muchuno.

Mi wor nei I-94 Taropwen Atun eom tori ikei/eom niwin non Passport ese muchuno nge ese wor ranin an muchuno. Meta upwe uwanong?

Ika pwe mi wor noum I-94 Taropwen Atun eom tori ikei/eom niwin non Passport ese muchuno taropwen etto, nge ese wor muchunon pokiten attun eom we tonong a stamp seni ewe ofesin Department of Homeland Security pwe taman eom nonom(D/S), kopwe chok awora ewe ranin foforun noum we I-94 ika ranin eom tonong, nge esapw ranin muchunon.

Ika pwe mi wor noum passport ese muchuno, kopwe chon uwanong ranin muchunon noum we passport.

Ei aweve a kawor seni ewe ofesin Department of Homeland Security.

Met upwe fori ika pwe use uwei nei we I-94?

Ika pwe ese wor reom kapin noum we I-94 kopwe kan churi ewe ofesin Department of Homeland Security ren eom kopwe angai ew kapin me [ikei](#).

Ika pwe kose tongeni angai ew kapin noum we I-94, kopwe kan tungor ew kapin [ikei](#).

Ngang emon chon angang ese wor nai taropwe. Met ngang mi naf ren aninisin moni?

Kopwe mumuta ren eom angang non U.S. ren eom kopwe tongeni angai aninisin moni ren eom kose angang me pwan ewe anapenon aninisin moni ren eom kose angang me fan ewe annukun mun nap (CARES). Nge ren ew chok, sisapw chekeni napenapen eom etto ikei nupwen ach nengeni eom naf ngeni an state kewe pekin momon family me asoson semau(Paid Family and Medical Leave). Iwe, ika pwe ka kan fakkun semau, ika tumunu emon mi fakkun semau, ei pekin epwene tongeni aninikus. Kopwe kaeo usun non paidleave.wa.gov ika tometiempo.org.

Met ai angai aninisin ese wor ai angang, ika ai angai momon family me asoson semau(Paid Family and Medical Leave)repwe angawano ai upwe tongeni aeoeo ngeni ew green card ika chon nom ikei fan ewe sofon annukun fofor ren aramas?

Apw. Insurens ren aninisin ren an ese wor eom angang me aninisin momon family me asoson semau rese pachenong non ewe [finitan seni fofor ren aramas](#).

Ewe Putain Employment Security ew equal opportunity employer/program. Chon aninis me angang epwe kawor ika kopwe tungor faniten aramas mei wor terir. Angangen aninis ren ekkewe rese kon sinei fosun merika mei kawor ese kamo. An Washington we relay service:
711